

चोकोट्ना कबूर

रेनडवा पुस्तक



चोकोट्ना कबूर

रेनडवा पुस्तक

इद मुंने वाचि कीम्ट	2
१ येसुन जटेमासि निय सोक्ता बायि	3
२ इव्वीर जपमु कियुवलिर	6
३ येसु नालुंग हजार्क मानदितुन जेवुन सीतोर	9
४ सम्दितुन अदिक प्रभुना हुकुम आनदु	12
५ नीवा दुस्मन मंवलिरुकुन माया कीमु	15
६ येसु सासि मत्तोर वोरु पिस्तोरु	17
७ मापि किय्वक मंवल मयूनल	20

इद मुंने वाचि कीम्ट

हिक्के येसुना उनडे कता मनता।

वोरु कीतंग गाब्रेमाय्वल कामुकु अनिक वोर

कीतंग बोदंग कुन वेहचेर मनता।

इंके, "मरट्टु इस्रायेलु इनजेर

केय्वल चहर्त रोप्पो येसु मत्तोर।

हक्के पिसुवल मानदित रोप्पो वेल्ले

लोकुर वेडिल्क मत्तेर।

अदु देश्ना मुख्या राजधानि इत्तेके,

येरूसलेमु आनदु।

अदु राजधानित रोप्पो यूदुल्क

पूजकिय्ववल, मनदिर मत्ता।

इव्वु सम्दि कतंग बय्बिल

पुस्तक नगा लिहिकीसिमनता।

उनदि उनदि कता वाचिकीम्टु।

इदु पुस्तक नगा मनतंग सम्दि कतंग वाचि कीम्टु।

येसुनंग कतंग, उनडे वाचि कियाना इत्तेके

मूडवा पुस्तक नगा सूडट।

१ येसुन जटेमासि निय सोक्ता बायि



येसु उनदि जोका सीमोनना रोन मत्तोर।
वोर जेवुन तिन्ले उच्चि मनतोर।
जेवुन तिन्नेके उनदि बायि वोन करुमु वासिमत्ता।
अदु बायि पाल रंगुन दात
मंवल बारिक बुड्डिन तच्चि मत्ता।
अदु बुड्डि जटेमासि नियदे निंचि मनता।
अदेन, इत्तेके निय्दुन अदु बायि येसुना तलतगा सोक्ता।



अदु बायि कीता, अदेन सूडसि,
वोनेर सिस्वलिरु तान हिनदल वेल्लेने सोडुन वातेरा।
ऊरु सम्दिर तान संग्गा हीन इत्तेर की,
अच्चोर वेल्ले कीमत्ता निय्दुन
निम्मे बारि कराब कीति।
अदु निय्दुन वोनतेके वेल्ले कोत्तंग वासि
मनजी मनोंग अव सम्दि कोत्तंग गरीबु
लोकुर कुन सिय्यवच्चो सिल्ले इनजेर इत्तेरा।
तंवेर सिस्वलिरु बारि हीनु वेहचेर मनतेर इनजेर,
येसु सम्जे मत्तोर।
अदेन लासि वोरु सिस्वलिरु संग्गा हीन इत्तोर।

गरीबु लोकर बस्केट मी संग्ग म्नदनतेर
बत्ति नन्ना बस्केट मी संग्ग मंनोन।
तानु मिरटु बारि गड बड कीसेर म्नतिटु?
ना लासि इदु बायि उनदि चोकोट्ना काम कीता।
इद बायि नाकुन निय सोक्सि अच्चनक
नावा मेनदोडुन पाय्लेन तयार कीता।

अदेन लासि,
नावा शुभवर्तमान तुन बग्गा, भगकु,
वेहनतेरो, बोदा कीनतिटियो, हक्के,
इदु बायि नालासि कीता कामुन गिरि,
वेह्चेर म्नदनीर।


२ इव्वीर जपमु कियुवलिर



येसु उनदि जोका मम्मोये चोकोट इनजेर
इंवलिरु कुन उनदि कता वेहतोरा।
ऊर इव्वीर मयूनलिरा कता अदेन रोप्पो
वोरोरु परिशय्यल वोरु मतम नोरु लीडरु
आनदूर परिश्यलिरु यूदा मतम नगा वेल्ले भक्ति मंवलिरु,
अजुक दुस्रो सुंकरि इंवलु आनदूरु। सुंकलिरु इत्तेके,
ऊरुकु पालना कियुवल दुस्रो देशम
साटि तहसीलु वसूलु कियुवल आनदिरा।
वोरु यूदा मतम नगा बतय रीतितुर आयोरु।



येसु हीनु वेहतोरु: "जपमुन लासि
इव्वीर मयूनलिरु मनदिरुत रोप्पो सोडितेरा।
परिशय्यलु तंवा तनकुन उनदि
काकु निच्चि हीनु जपमु कीतोर।
भगवनता नन्ना दुस्रोनु दातु आयोनु, वोरु
सम्दिर आसाकीयुवलिरु ऊर्गा नीति चोकोट
सिल्लेये दुस्रो बायिन पज्जा वेलिवलिरु आनदिरु।
दुस्रो हान कीतेके, नन्ना हानु कीयुवना
आयोनु इदु, वेरु सुंकरिन दातु नन्ना
सेल्ले मनतोनु अदेन लासि नीकुन राम राम!
नन्नते उनदि वार्तगा रेनडु रोजुकु उपास मदनतोनु।
नहगा मंवल सम्दि नहगटलु,
दहता ईसा नीकुन सीसेर मनतोना।




बत्ति वेरु सुंकरि, हब्रि, निच्चि मनतोर।
 मोकमुनु पोर्रो तहवका ये
 लज्जेमासि तलतुन बूड वाट्तोर,
 वेल्ले दुखमुने, सातितुन पासेर तंवा तनय,
 भगवनता नन्ना पापिना नाकुन मायकीमु इनजेर जपमु कीनतोर।
 येसु इव्वु गोह्णिंग वेहचेर इदु कततुनु समाप्ति कीतोर।
 वेरु परिशय्यलु सिल्ले बत्ति वेरु
 सुंकरि भगवनतना मनदेवाता प्रकारु कीतोर।
 भगवनतल वोनु माने मत्तोर।
 वोरु सानती आसिकुनु रोनु सोडितोर।
 बोरे, आयि तम्मोये डगूर इनवलिरुकुनु
 भगवनतल कम्मि किमतुने सूडनतोरु
 इत्तेके तनुवकुनु तम्मोये,
 कम्मि आतेर ऊर्कुन भगवनतल डगूर पान सीनतोर।

३ येसु नालुंग हजार्क मानदितुन जेवुन सीतोर



उनदि जोका येसु गुट्टत पोर्रो सोत्तोर। हक्के
वातेर वेल्ले लोकुरुकुन वोर चोकोट कीसेर मत्तोर।
अस्के येसु तंवा सिस्यलिरुकुनु करुमु
केय्सि ऊर संग्गा हीन इत्तोर।
हिक्के वातेरु ऊरु सम्दिर कुन सूड्तेके
नाकुन वेल्ले माया वासेर मनता।
वोर सम्दिर हिक्के वासिकुन मूनदु रोज्क आता।
ऊर सम्दिर तत्ता नेहलि मार्सि
मनदरु ऊर्कुन तिंनेले बतय सीयुवका,
ऊर्कुन सारिकीयुवल नाकुन चोकोट दिसेर सेल्ले,

ऊर सॉनेके, तोल्लेने बतल तेरि
 तिन्ले सियाना सेल्लेते नडुम सरितगा,
 करु सासिकुन कम्जोरु आनतेरा।
 अस्के सिस्वलिरु येसुनु हीनु पूसिकीतेर,
 इदु केडत रोप्पो इच्चोर वेल्ले
 मानदितुन नेहलि येव्वना इत्तेके बगटल तर्कोमु,




अस्के येसु ऊर्कुन मिहगा सारिंग
 बच्चे मनता इनजेर पूसिकीतोर, वोरु एडुंग सारिंग अनि
 चुडुक-चुडुक मीनुकु अच्चोरे मनता इनजेर इत्तेरु।
 येसु अदु सम्दिर पब्लिकुन बोम्मित पोरो
 उदटु इत्तोर तानु पज्जा वोरु अव
 सारिंग मीन्कूनु पिथिस भगवनतनुकु प्रार्थना कीतोर।
 अवेकुन टुकडेंग टुकडेंग कीतोर।



अद नेहलितुन तंवेर सिस्यलिरुकुन सीतोर।
ऊर अदेन सम्दिर प्रजतुन तूसि सीतेर।
हर मयूनल मनदेवाता अच्चोर तित्तेर तान
पज्जा सिस्यलिरु मय्ता नेहलितंग टुकडेंग जम्मा कीतेर।
अव बारा दव्डिंग निहतेर हक्के तिनुवलिरु
रोप्पो बायिकुन चुडूर मर्मियाड्तुन
सुट्टिकीसि निस्तो मयूनलारे।
नालुंग हजार्क मत्तेर,
तान पज्जा येसु ऊर्कुन तंवंग
नहककुने सारि कीतोर।

४ सम्दितुन अदिक प्रभुना हुकुम आनदु



कहि यूदमता नायकुल्क येसुनु तस्रो
चमत्कार गोहिंटग कीसि वोना गोहिटन्गा
बतल तेरु गलिंग पिच्चना इनजेर वातेर।

वोरु सम्दिर रोप्पो वोरोर यूदमता
कानुन वेहुव्लु शास्त्रि आनदूरा।
वोरु येसुनु पूसि कीतोरु की बोदा
दारा धर्मा शास्त्रम नगा प्रभुना हुकुम बधु,



अदेनु कर्ता येसु हीनु जवाबु सीतोरु;
नीवा पिस्वल सम्दिर गटल,
निम्मे किय्वल कामुकुन रोप्पो
निम्मे सोंच, किये, सोंचूतगा,
नीवा प्रभुवु इंवल भगवनतनु
पूरा, नीवा मनदे, वय्या कियाना!
इदु सम्दिर कुन प्रभुना हुकुम आनदु।



सम्दिर कुन प्रभुना हुकुम उनडे उनदि मनता,
अद गिर मुंने वेहता प्रभुना हुकुमुन दात आनदु।
नीकुनु निम्मे बहनु माया कियाना येसु
माकुन सीता धर्मशास्तर कुन करलु अर्तम
इव्वु रेनडु प्रभुना हुकुमुनगा दिसनता अच्चोरे
आयो भगवनतना बोदलिरु वेहता
बोदंग सम्दिर्गा गिर इहे अर्तमा।

५ नीवा दुस्मन मंवलिरुकुन माया कीमु



उनदि जोका येसु हीन वेहतोर : "मीवा सोप्तलिरुकुन
माया कीम्टु; मीवा दुस्मन मंवलिरुकुन, चेडि कीम्ट इनजेर,
सम्दिर पब्लिक वेहिनेके नन्ना केनज्त्तोन,
तानु कर्ता नन्ना इनुवलु बतलु इत्तेके,
"मीवा दुस्मन मनवलिरुकुन मायकियाना!
मीकुनु, तकिलीबु कियुवलिरुकुनु लासि जपमु कियाना !
अस्के, मिरटु, भगवनतना पोरोडो येवनतिटु।
मिरटु वोनु दातु मनदनतिटु।
बारि इत्तेके, वोरु मीवा कबुर्त्तगा मंवल
बाबलु आनदूरु।



भगवनतलु येदितुन, पिर्दुन, चोकोट मानदितुन,
 कराबु मानदितुन, बरो बर सीसेर मनतोर।
 नीकुन माया कियुवलिरुकुनु, निम्मे माया
 कीतेके भगवनतलु नीकुनु बारि इनमुकु
 सियाना ऊर्कुन पालनकीये दुस्रोर देश
 लोकरुकुन लासि तहसीलु वसूलु
 कीय्वलिर गिर हाने कीसेर मनतेर।
 तमोकुन माया कीय्वलिरुकुने वोरु माया कीनतेर,
 तानुगा बतलु डगूर गोहित मनता।
 भगवनतनु करलु माने माय्वक मंवलिरु हाने कीनतेर।
 मीवा हबाडे मंवले बाबनोरु
 भगवनतलु हर मय्नुनकु माया कीसेर मनतोर।
 अदेन कर्ता मिरटु गिर हाने कियाना।

६ येसु सासि मत्तोर वोरु पिस्तोरु



उनदि वक्कतु येसु नायीनु इंवल नाटे सोत्तोर।
वोनेर सिस्वलिरु उनडे कहि लोकुरु,
वोनु संग्गा मत्तेर।
येसु अदु नाटेन करुम वानेके,
सासि मनतोरु वोरोर मयूनन्कु
कांचि तरुवलिरु दिस्तेर।
सातोर वोर उनदि गरीबु बायिना नोर मरिं आनदूर।
अदु बायि गिर ऊरु संग्गा वासेर मत्ता।



येसु अदु बायिन सूड्ता बराबर,
तानु पोरोँ माया कीतोर।
अडुसेर मनता अदेनु करुम कीतोरु,
सानती कीतोरु तानुपज्जा वोरु,
सातोरु वोनु कांचि तरुवलिरुकु नगा सोनजि,
ताना डनडेतुन तंवा केय्दे इटुतोर।
अदेन वोय्वलिर निल्तेर।
वोरु सातोर मय्न्नन संग्गा, येसु
"कानडि! पोरोँ तेदा !" इनजेर इत्तोर।




सातोर वोर उनडे जीवते तेच्चि,
उच्चिकुन वड्कवल सुरु कीतोर।
येसु वोनु वोना बेय्येन्कु सीतोर।
हक्के मंवलिरु सम्दिर वेल्ले वेरितेर।
ऊर सम्दिर भगवनतना चरना कीसेर हीन इत्तेर।
"भगवनतनगटल वोरोर डगूर मय्नलु वातोर।
भगवनतलु तनवा पब्लिकुनु मद्दतु कियुले वातोर।"
येसु सातोर ऊर्कुन पिसुस्तोर इंवल
समाचार अदु देशम नगा सम्दिर कुन टावा आता।
अच्चोरे की आयो सिर्मुट मंवलिक
नाहक्ने गिर इदु समाचार टावुक आता।

७ मापि किय्वक मंवल मयूनल

उनदि जोका पेतुरु येसुना करुम वासि,
वोनु हीनु पूसि कीतोर। प्रभु
वा! नाकुन बोरेमंनि दुस्मन कीतेके,
वोनु बच्चे जोकंग मापि कियाना? एडुंग जोकंग की!
अदेनुलासि येसु "अदेनु जास्ति वेल्लेने जोका
मापि कियाना निम्मे बस्केट मापि
कीसेर मनदना इनजेर जवाबु सीतोर।
भगवनतना राज्यम इत्तेके बहन मनतयो,
अदेन कुल्ला कुल्ला वेहिले येसु इदु कता वेहतोर।

वोरोर राजलु तंवेर गडियलिर
कुन तनकु बच्चे-बच्चे कर्जा मनतेर,
इसाबु चोकोट सूडना इनजेर निर्नयम कीतोर।
हानु लेक्कंग सरि सूडुसेरु मंनेके,
वोनुकु बच्चे लाको रुप्यांग कर्जा आतोरु।
वोरोनु गडियलिर कुन वोनुगा पिय्सि वातेर।
कर्जतुन कानडि किय्वल अच्चोरु पैसा वोरु गडियनगा सिल्ले,
अस्के वोरु राजलु वोन्कुनु, वोना वेयिलोनु
पेकुरुकुनु वोना सम्दि जाय्जतुन वोम्सि अदु पैसते,
तंवा कर्जतुन कनडिकीमु इनजेरु हुकुमु सीतोर।



अदेनु कर्ता वोरु गडियल राजुनंग कालुकुन पोर्रो अर्सि,
"बाबा! नीवा कर्जतुनु पूरो कानडि कीनतोनु
दयकीसि नाकुनु तोडोसा वकत सीमु"
इनजेर बय नारज आसिकुनु पूसि कीनतोर।
वोरु राजलु वोनु पोर्रोबय
दयतोहिचि वोन्कुनु मापि कीनतोर।
अदु कर्जतुनु कानडि किय्वल सिल्ले,
इनजेर वेहिचि वोनु सारि कीतोर।
वोरु गडियल सोडितोर।
बत्ति, वोरु तनुवकु तोडसा कोत्तंग कर्जा
मत्तोर वोरोग्गा सोडितोर।



वोरु दुस्रोनु पिणिस इत्तेके वोन्कु कर्जा
 किय्लेकुन वोना गोटितुन पिणिसकुन,
 निम्मे नाकुन सिय्वल कर्जा पेणिसतुनु
 उनडे मलसि सीमु इनजेर वेरुसीतोर।
 अस्के वोरु दुस्रो मय्नुल केय्क जोडिकीसि,
 काल्कु केर्सि मीवा कर्जतुनु पूरो कानडि कीनतोन।
 दयकीसि नाकुन तोडोसा वकुत सीमु।
 इनजेर चुडूसा तोड्डि कीसि पूसि कीतोर।
 बत्ति वोरु मात्रम अदेन्कु मानेमायुमा की।
 पूरा जुमलाकीसि कर्जतुन कनडिकियाना, इनजेर वेहिचि,
 वोनु जैलुतगा वाटुस्तोर। दुस्रो गडियलिरु
 इदु आता सम्दितुन सूडसि वेल्लेने नाराज आतेर।

वोरु राजनगा सोनजि, हिक्के
बतल-बतल आता सम्दिर वेहतेरा।



अदेन कर्ता राजलु मोदोल गडियलिर
कुन केय्सि वोनु संग्गा बातोर मयूननि आनदि रा,
निम्मे नाकुन केय्क जोडिकीसि चुडूसा तोड्डि
कीसि नाकुनु पूसिकीतेके नन्ना
नीवा कर्जतुन काट्टि कीतोन।
नन्ना नी पोर्रोमाय्या दया तोहुतपु निम्मे
गिर वोर गडियन कुन दया माया कीसि तोहमत्ता,
इनजेर इत्तोर।

वोरु राजु वोनु पोर्रो बय सोंग आतोर।
वोन्कु सिख्वल पूरो सीनल वेरि।
वोनु जेल तगा वाट्स वोनु सिक्सा
कीम्टु इनजेर इत्तोर।



येसु इदु कता तुनु समाप्ति कीसेर हीनु वेहतोर की,
मीकुन दुस्मन कीतेर प्रजल्कुनु मिरटु
मीवा मनदे मापि किय्वक सोत्तेके,
मीवा हाबरु तगा मंवल बाबो गिर,
मीकुनु मापि कीयोर।

Good News For You

New Reader Portion – Book 2

Southern Gondi (Telugu)

90A 1608/2007/5M

ISBN A40 GONT 048 (Vol 2)

ISBN A90 GONT 035 (Set)

Published by:

The Bible Society of India

206 Mahatma Gandhi Road

Bangalore – 560 001